

Nazboh: Yizcuz Beixnuengx Angq Gvaq Cietboujcieng

那坡：彝族同胞欢庆补年节

Moix bi liggaeuq ngeihnyied cocib, cib'it, dwg ngoenz beixnuengx Yizcuz Nazboh Yen Nenbiz Yizcai gvaq cietboujcieng. Ngoenzneix, ndaw mbanj nauhyied dangqmaz, gyoengq beixnuengx Yizcuz daenj buh moq vaq moq, ciengq go diuq foux, angq hoh ngoenzciet.

Cienzgongj seizgonq ranz Yizcuz bouxsai bae dangbing, daengz bi daihngaih ngeihnyied cocib cij dauqranz, vunz ranz Yizcuz daengz ngoenzneix cij ndaej doxcomz gvaq cieng.

Cietboujcieng youh dwg beixnuengx Yizcuz siengniemh banlaux youq seiz hoenxcienq vutmingh haenx, hix dwg danghaenh insik saedcej vaiqvued ngoenzneix, dwg minzcuz vwnzva yizcanj dijbauj ndeu.

(Lij Yungifungh sij Cinz Yungj hoiz)



▲Gwn laeuj gwn noh angq gvaq ciet.



▲Ciengq go diuq foux angq gvaq ciet.

Yungzsuij: Beixnuengx Myauz-cuz Angq Hoh Ciet "Cunhse"

融水：苗族同胞欢庆“春社”节

3 nyied 18 hauh, Yungzsuij Myauzcuz Swciyen youq Bwzyinz Yang Mbanjwzcau gawjbanh ciet "cunhse" hozdung. Ngoenzciet "cunhse" dwg ngoenz ciet baiq dojdeih. Youq ngeihnyied laebcin gvaq le ngoenz daihhaj, gyoengqvunz youq seizcin baiq caeq dojdeih, gouz baenaj gohaeux ndaej fungsou. Ciet "cunhse" hix dwg seizciet conzdungj gyoengq bouxcoz beixnuengx Myauzcuz doxlien doxraen, gyoengq bouxcoz youq ndaw ciet ra youx, roxnaeuz caeuq bouxyoux raennaj, vuenyungz dangqmaz.

(Lungz Dauh/龙涛)



▲Baij gyaendei.



▲Gwn laeujgyauboi.

Denhdwngj:

Hagdangz Guh "Rox Daxmeh Sinhoj, Geiq Aen-cingz Daxmeh" Gamjaen Gyauyuz Hozdung

天等：小学举行“知母辛，念亲恩”感恩教育活动



▲Gyoengq hagseng angq dwk bang daxmeh swiq din.

Denhdwngj Yen Cwngzgvanh Siujoyz yawjnaek hagseng daudwz siuhyangj gyauyuz, mboengqgonq, youq ndaw hagdangz guh "rox daxmeh sinhoj, geiq aencingz daxmeh" hozdung. Guh hozdung ngoenzde, lauxsae hawj gyoengq hagseng aemq aennda, dijen gij sinhoj daxmeh; bang daxmeh swiq din, dub baihlaeng caeuq daenj buh. Doenggvaq guh gij hozdung neix, hagseng hag rox le aeueiq daxmeh, gamjaen daxmeh, hix ndaej daezsang le daudwz siuhyangj.

(Liengz Cwngzfuj Vangz Hungzmeiz)

Yangzsoz:

Gyoengq Nungzminz Gyaez Ranzsaw Iq

阳朔：小书屋成为农民的“精神乐园”

Youq Yangzsoz Yen Buzdauz Cin Mbanjfuzvang, ndaw aen ranzaw iq mbanj neix ngoenzngoenz vunz caenxfwkfwk, gyoengq vunz-mbanj daeuj ndaw neix yawj saw doeg saw nem caz nungzyez gohgi cihsiz. Boux cunhminz Goz Suvwnz dwg boux ciengz daeuj ranzaw ndeu, de gaisau naeuz: "Ndaw ranzaw miz saw gohgi, saw dajciengx, saw baujgen ciengx-ndang, sawcuenh daengj, gungh miz 4000 lai bonj saw. Bingzseiz vunzmbanj cungj maij daeuj ndaw ranzaw yawj saw dem cihsiz, doiq daezsang nungzyez gohgi suiijingz miz bangcoh gig hung.

(Vangz Swginj)



▲Bouxlaux lwgnyez cungj maij daeuj ranzaw iq ywj saw.